

## S A M Þ Y K K T

### um sýsluvegasjóð í Dalasýslu.

#### 1. gr.

Í Dalasýslu skal vera sýsluvegasjóður. Skal úr þeim sjóði greiða kostnað við viðhald og lagningu sýsluvega skv. 2. gr. í samræmi við staðfesta sýsluvegaáætlun, sbr. þó 52. gr. vegalaga nr. 71/1963.

#### 2. gr.

Í tölu sýsluvega má ekki taka vegi, sem styttri eru en 200 m, nema götur í þorpum með færri en 300 íbúa.

Sýsluvegur skal aldrei teljast ná nær býli en 200 m, ef hann endar þar.

Sýsluvegir eru þessir:

#### Hörðudalshreppur:

1. Gunnarsstaðavegur, af Skógarstrandarvegi að Gunnarsstöðum.
2. Dunkárbakkavegur, af Skógarstrandarvegi að Dunkárbakka.

#### Miðdalahreppur:

3. Stóra-Skógarvegur, af Vesturlandsvegi að Stóra-Skógi.
4. Miðskógarvegur, af Vesturlandsvegi að Miðskógi.
5. Kirkjuskógarvegur, af Vesturlandsvegi að Kirkjuskógi.
6. Sauðafellsvegur, af Vesturlandsvegi að Sauðafelli.
7. Erpsstaðavegur, af Vesturlandsvegi að Erpsstöðum.
8. Breiðabólssstaðavegur, af Vesturlandsvegi að Breiðabólssstað.
9. Háafellsvegur, af Hlíðarvegi að Háafelli.
10. Kolsstaðavegur, af Hlíðarvegi að Kolsstöðum.

#### Haukadalshreppur:

11. Köldukinnarvegur, af Vesturlandsvegi að Köldukinn.
12. Haukadalsvegur syðri, af Haukadalsvegi um brú á Haukadalsá hjá Hömrum, um Hamra, Jörfa og Saurstaði að Litla-Vatnshorni.

#### Laxárdalshreppur:

13. Lækjarskógavegur, af Vesturlandsvegi að Lækjarskógi.
14. Flugvallavegur á Kambsnesi, af Vesturlandsvegi að flugvelli á Kambsnesi.
15. Hornsstaðavegur, af Laxárdalsvegi að Hornsstöðum.
16. Leiðólfsstaðavegur, af Laxárdalsvegi að Leiðólfsstöðum.
17. Svalhöfðavegur, af Laxárdalsvegi að Svalhöfða.
18. Sólheimavegur, af Laxárdalsvegi að Sólheimum.
19. Sámsstaðavegur, af Laxárdalsvegi að Sámsstöðum.
20. Hróðnýjarstaðavegur, af Laxárdalsvegi, um Spákelsstaði og Vígholtsstaði að Hróðnýjarstöðum.
21. Ljárskógavegur, af Vesturlandsvegi að Ljárskógum.
22. Vegir og götur í Búðardal.

#### Hvammshreppur:

23. Magnússkógavegur, af Vesturlandsvegi að Magnússkógum.
24. Ásgarðsvegur, af Vesturlandsvegi að Ásgarði.
25. Sælingsdalstunguvegur, af Sælingsdalsvegi að Sælingsdalstungu.
26. Kýrunnarstaðavegur, af Klofningsvegi að Kýrunnarstöðum.
27. Knarrarhafnarvegur, af Klofningsvegi að Knarrarhöfn.

**Fellsstrandarhreppur:**

28. Hallsstaðavegur, af Efríbyggðarvegi að Hallsstöðum.
29. Víghólsstaðavegur, af Klofningsvegi að Víghólsstöðum.
30. Arnarbælisvegur, af Klofningsvegi að Arnarbæli.
31. Grundarvegur, af Efríbyggðarvegi að Grund.

**Klofningshreppur:**

32. Stakkabergsvegur, af Klofningsvegi að Stakkabergi.
33. Hnúksnesvegur, af Klofningsvegi hjá Hnúki að verzlunarstað í Hnúksnesi.
34. Langeyjarnesvegur, af Klofningsvegi að Langeyjarnesi.
35. Melavegur, af Klofningsvegi að Melum.

**Skarðshreppur:**

36. Krossvegur, af Klofningsvegi að Krossi.
37. Barmsvegur, af Klofningsvegi að Barmi.
38. Búðardalsvegur, af Klofningsvegi að Búðardal.
39. Heinabergsvegur, af Klofningsvegi að Heinabergi.
40. Flugvallarvegur hjá Skarði, af Klofningsvegi að flugvelli.

**Saurbæjarhreppur:**

41. Innri-Fagradalsvegur, af Klofningsvegi að Innri-Fagradal.
42. Tjaldanesvegur, af Klofningsvegi að Tjaldanesi.
43. Lambanesvegur, af Klofningsvegi að Lambanesi.
44. Kverngrjótsvegur, af Staðarhólsvegi að Kverngrjóti.
45. Þverðalsvegur, af Staðarhólsvegi að Þverðal.
46. Kjarlaksvallavegur, af Staðarhólsvegi að Kjarlaksvöllum.
47. Miklagarðsvegur, af Staðarhólsvegi að Miklagarði.
48. Múlabæjavegur, af Staðarhólsvegi, hjá Þurranesi að Belgsdal.
49. Hvítadalsvegur, af Vesturlandsvegi að Hvítadal.
50. Ólafsdalsvegur, af Vesturlandsvegi að Ólafsdal.
51. Kleifavegur, af Vesturlandsvegi að Kleifum.
52. Flugvallarvegur á Holtahrygg, af Vesturlandsvegi hjá Stórholti að flugvelli.

**3. gr.**

Vegagerð ríkisins er veghaldari sýsluvega.

**4. gr.**

Hvert hreppsfélag greiðir árlega í sýsluvegasjóð sem samsvarar andvirði þriggja dagvinnustunda fyrir hvern íbúa, miðað við kaupgjald í almennri verkamannavinnu hjá Vegagerð ríkisins 1. desember hið næsta ár áður en gjaldið er lagt á. Ákveður sýslumaður gjald hvers hrepps og tilkynnir oddvita fyrir 1. marz. Skal það greitt í einu lagi úr sveitarsjóði eigi síðar en á næsta manntalsþingi.

**5. gr.**

Hreppsnefnd jafnar þeirri upphæð, sem hreppi ber að greiða í sýsluvegasjóð samkvæmt 21. gr., niður eftir sömu reglum og öðrum útgjöldum hreppsins.

**6. gr.**

Nú á einhver fasteign í hreppi eða kauptúni, aðra en jörð í fastri ábúð eða jarðarluta, en er þar þó ekki útsvarsskyldur eða greiðir ekki útsvar eftir sömu reglum og aðrir íbúar hreppsins, og skal hann þá greiða vegaskatt af eign sinn í sýsluvegasjóð.

Skattur þessi greiðist á næsta manntalsþingi.

Vegaskattur skal nema 6 af þúsundi af virðingarverði mannvirkja, en 12 af þúsundi af virðingarverði landa og lóða, hvort tveggja miðað við fasteignamat. Gjald þetta hefur lögtaksrétt.

## 7. gr.

Undanskildar vegaskatti samkvæmt 23. gr. eru allar kirkjur, skólahús, sjúkrahús, þinghús, félagshemili og vitar. Ráðherra er heimilt, eftir tillögum sýslunefndar, að ákveða, að eyjar, sem eru sjálfstæð hreppsfélög, greiði ekki framlag til sýsluvegasjóðs, enda annist hreppsfélagið sjálft um vegakerfi sitt að öllu leyti.

## 8. gr.

Í kauptúnum, sem eru hreppsfélög út af fyrir sig, skal helmingur sýsluvegasjóðsgjalda renna í sveitarsjóð, ef hreppsfélagið ver til veg- eða gatnagerðar innan hrepps á því ári a. m. k. jafnmiklu fé úr sveitarsjóði.

## 9. gr.

Gera skal sýsluvegaáætlun til fjögurra ára í senn og miða hana við sama tímabil og vegaáætlun fyrir þjóðvegi. Vegamálastjóri semur frumdrög að slíkri áætlun í samráði við sýslunefnd og skal hún tekin fyrir og afgreidd á sýslufundi til samþykktar. Öðlast áætlun þessi gildi, er samgöngumálaráðherra hefur staðfest hana. Sýsluvegaáætlun skal endurskoða, er hún hefur gilt í tvö ár.

## 10. gr.

Oddviti sýslunefndar semur árlega reikning sýsluvegasjóðs. Skal reikningur undanfarins árs lagður fram á sýslufundi til samþykktar og gilda þar um sömu reglur sem um sýslusjóðsreikninginn. Sýslunefnd semur einnig árlega áætlun um tekjur sýsluvegasjóðs yfirstandandi ár, svo og áætlun um gjöld sýsluvegasjóðs með hliðsjón af staðfestri sýsluvegaáætlun.

Framangreindar áætlanir skv. 9. og 10. gr., svo og reikning sýsluvegasjóðs, skal oddviti sýslunefndar senda vegamálastjóra að loknum sýslufundi.

## 11. gr.

Nú gerir sýsluvegaáætlun ekki ráð fyrir framkvæmdum eða innstæða í sýsluvegasjóði nægir til framkvæmda og viðhalds næsta ár að dómi sýslunefndar, og skulu þá tekjur sýsluvegasjóðs það ár renna til þjóðvega í viðkomandi sýslu, eftir ákvörðun sýslunefndar.

## 12. gr.

Brot gegn samþykkt þessari varðar sektum allt að 100 þús. kr., nema þyngri hegning liggir við að lögum. Með mál út af slíkum brotum skal farið að hætti opinberra mála.

Samþykkt þessi, sem sýslunefnd Dalasýslu hefur samið og samþykkt samkvæmt 19. gr. vegalaga, nr. 71 30. desember 1963, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Jafnframt fellur úr gildi samþykkt fyrir sýsluvegasjóð Dalasýslu, nr. 41 11. apríl 1929, ásamt síðari breytingum.

*Samgöngumálaráðuneytið, 9. júní 1965.*

**Ingólfur Jónsson.**

*Brynjólfur Ingólfsson.*